

欽定石渠寶笈三編

欽定石渠寶笈三編

延春閣藏三

高宗純皇帝御筆

春蔬圖

癸酉一軸

畫花果

癸酉一軸

竹爐山房圖

癸酉一軸

駐蹕即事詩

癸酉一軸

水村圖

癸酉一軸

仲春即事詩

癸一軸  
酉冊

較射詩

癸一軸  
酉冊

臨王羲之十四帖

癸一冊  
酉冊

臨董其昌書畫跋

癸一冊  
酉冊

臨王羲之五帖

癸一冊  
酉冊

清暉閣詩

癸一軸  
酉冊

臨王羲之七帖

癸一冊  
酉冊

畫樹石

癸一軸  
酉冊

章草無逸

癸一冊  
百

初至戒臺詩

癸一軸  
百

墨竹

癸一軸  
百

永安寺古井記

癸一冊  
百

賞遇樓詩

癸一軸  
百

先春如意圖

甲一軸  
戌

倣趙氏合卷

甲一卷  
戌

半天樓詩

甲一軸  
戌

墨梅

一軸  
甲戌

臨蘇軾批荅真蹟

一冊  
甲戌

偶成詩

一軸  
甲戌

臨蘭亭後序

一冊  
甲戌

臨枯樹賦

一冊  
甲戌

節臨孫過庭書譜

一冊  
甲戌

節臨書譜

一冊  
甲戌

樂善園詩

一軸  
甲戌

臨蘇軾詩帖

甲一  
戌軸

臨宋四家帖

甲一  
戌冊

臨黃庭堅書

甲一  
戌冊

節臨聖教序

甲一  
戌冊

夷齊廟四景詩并圖

甲一  
戌卷

倣董臨爭座位帖

甲一  
戌冊

書蔡襄荔支譜

甲一  
戌冊

臨董其昌書唐詩

甲一  
戌冊

臨蘇軾集歸去來辭詩帖

一冊  
甲戌

高宗純皇帝御筆春蔬圖 一軸

本幅紙本縱二尺四寸八分橫一尺六寸

御筆墨畫蔬筍百合並題

達曙惟聞爆竹聲致祥和氣驗人情春當綺歲元  
朝立輦向青陽左个行甲子輪環欽索籥共球閭  
闔會寰瀛撫辰莅政敢云久日並孜孜若捧盈  
紫鳳蒼龍轉玉璣祥飈瑞旭麗金扉十行寬大新  
頒詔一念精勤首勅幾癸德合干晷德凜酉年開



紀有年祈乾清曲宴宗親洽綈几瑤笈試筆揮  
癸酉元旦仿沈周法寫春蔬數種并書新正試筆  
二律以迓青韶御筆鈐寶二乾隆

軸內分鈐

寶璽意在筆先花香水態堪娛新藻發春妍

鑒藏寶璽寶笈三編石渠寶笈所藏

高宗純皇帝御筆畫花果 一軸

本幅金粟牋本縱一尺七寸橫八寸八分

御筆墨畫瓶梅如意柿子並書喜雪詩

臘雪雖逢望渥霑發春

天澤喜均覃祥花瑞葉元正二客歲今年積素三生  
意寒梅珠半綻畫情溫樹玉全含同雲遠布懷他  
省佇待佳音達奏函癸酉新正二日喜雪一律  
并書鈴寶三乾隆秀色入窗虛

軸內分鈐

寶璽研露落紙雲烟吟詠春風裏

鑒藏寶璽寶笈三編石渠寶笈所藏

高宗純皇帝御筆竹鑪山房圖 一軸

本幅金粟牋本縱三尺六寸橫一尺七寸六分

御筆水墨畫雲樹山房中置竹鑪一並題

竹鑪山房圖 古之人冬日則飲湯夏日則飲水無所謂茗飲也茗飲其權輿於漢而盛於李唐之季乎然物必有其本不揣其本而齊其末未為善鑒也茗飲之本其必資於水乎不於水之甲乙定

茗之高下。雖摘焙點烹精其製。雨前雷後辨其時。北苑荆溪龍井天目別其地。踵事增華。議論滋繁。解渴悅性之道。逝其遠矣。若惠山之竹。鑪茶舍。可謂知茗飲之本焉。其地蓋始於明僧性海。就惠泉製竹。鑪以供煎。滄茶舍之名。因以是傳。前歲偶至其地。對功德注冰雪。高僧出塵之概。彷彿於行雲流水間也。歸而品玉泉。則較惠山為尤佳。因構精舍二間於泉之側。屏攢峯之嵒。嵒俯迴溪之濤。瀟瀟

天風拂林衆樂迭奏。瀏莅卉飲若絲者。若竹者。若宮商角徵羽者。與連漪綺縠相上下。觀難為狀。聽復不窮。而倣惠山之竹。鑪適陳砥。凡蟹眼魚眼之間。亦泠泠颯颯作聲不止。無事習靜之人。樂此經年不出可也。而余豈其人哉。時而偶來。藉以滌慮澄神。亦不可少也。夫精舍竹鑪。皆可倣。而惠泉則不可倣。今不必倣。而且有非惠泉之所能倣者焉。是不既握茗飲之本。而我竹鑪山房之作。庸可少。

乎。余定玉泉為天下第一。既嘗記之矣。近即其地置竹壚山房為品泉之所。幾暇暫過顧而樂之。拂金粟牋為之圖。復成此記。因以書之。圖間夫惠泉以名彰。而玉泉以實勝。余之為此。又豈為山泉爭名翰墨間耶。乾隆癸酉春正月御製并書。設山房松下風。拾松煮茗竹壚紅。水符底藉循環調。火候還應文武通。欲擬竈邊陶陸羽。未須詩裏學盧仝。品泉僧舍為清供。前歲春光想像中。癸酉。

暮春重過山房因題一律并書圖間 泉上築山  
房。山泉引興長。竹爐宜火候。瓷椀發茶香。習靜寧  
耽逸。勅幾敢道忘。小停促歸去。無暇我之常。丙子  
孟夏月御題。

軸內分鈐

寶璽 乾隆清吟寄遐思 乾隆宸翰 大塊假我以文章  
比德朗潤

古希天子。八徵耄念之寶。清賞為美。洗盡塵氛。與氣。



來一甌香乳聽調琴

鑒藏寶墨寶笈三編石渠寶笈所藏

高宗純皇帝御筆駐蹕即事詩 一軸

本幅宣紙本縱三尺橫一尺四寸五分

御筆行書

環村有曲水○半壁雅堪稱○暖岸纔生芷○新流間帶  
冰○石亭詩勒柱○紙牖蠟明燈○汲古消清夜○行知我  
未能○癸酉春仲駐蹕即事御題鈐寶三所寶惟  
賢○乾隆御筆德日新○

鑒藏寶璽寶笈三編石渠寶笈所藏

高宗純皇帝御筆水村圖 一軸

本幅紙本縱二尺四寸五分橫一尺四寸

御筆水墨畫漁舟蟹舍柳堤沙鳥並題

屈曲沿沙渚。高低見水村。荻蘆編蟹斷。舴艋繫蓬  
門。雁賦無多子。魚租育後昆。依稀會稽路。前歲景  
猶存。癸酉仲春。自趙北口放舟行園。歷郭里端  
村諸水鄉。即景成詠。並寫此圖。志之。御筆。鈐寶二  
乾。隆。

軸內分鈐

寶璽

古希天子八徵耄念之寶澄觀會心不遠

鑒藏寶璽寶笈三編石渠寶笈所藏

高宗純皇帝御筆仲春即事詩 一軸

本幅描金宣紙本縱四尺六寸三分橫二尺二分

御筆行書

春雲每作陰春膏常潤地春烟低遠樹春風拂遊  
騎前夜小雨過桃花放初媚昨日復霏霏芳草含  
珠穗入夜有滄漭一犁冀明賜近年實多幸青郊  
利農事惟幸故望奢大沛始暢意 癸酉仲春即

事之作御筆鈐寶三奉三無私乾隆宸翰陶冶性  
靈

鑒藏寶璽寶笈三編石渠寶笈所藏

高宗純皇帝御筆較射詩一軸

本幅描金宣紙本縱四尺三寸橫一尺四寸

御筆行書

弁射由來國俗稱時巡閱衆每教仍左支右屈斯  
觀德貫札穿楊詎炫能所寶惟賢先正直其爭君  
子去驕矜行宮駐節遑耽逸

祖烈煌煌勉繼繩較射一律癸酉春日御筆鈐寶  
二所寶惟賢乾隆御筆

鑒藏寶璽寶笈三編石渠寶笈所藏



高宗純皇帝御臨王羲之十四帖 一冊

本幅金粟箋本。摺裝八幅。皆縱四寸九分。橫九寸七分。

御筆草書。臨王羲之。不審多日。縣戶大熱。此書。西問。

中郎。一昨潤轉。益州執手。家月採菊。飛白。十四帖。帖文並識不錄

癸酉春月御臨。鈐寶三。乾隆宸翰。得象外意。深心托豪素。

鑒藏寶璽寶笈三編石渠寶笈所藏

高宗純皇帝御臨董其昌書畫跋 一冊

本幅金粟箋本摺裝八幅皆縱七寸一分橫一尺一分

御筆臨董其昌行書並識

宣和時收右軍真跡百四十有三行穰帖其一也以淳化官帖不能備載右軍佳書而王著不具元覽僅憑倣書鋟版故多於真跡中挂漏如柏公帖米海嶽以為王書第一猶在

官帖之外。餘可知已然。人間所藏不盡歸御  
府。即歸御府。或時代有先後。有淳化時未出  
而宣和時始出者。亦不可盡以王著為口實  
也。此行穰帖在草書譜中。諸刻未載。有宋徽  
廟金標正書。與西昇經聖教序一類。又有宣  
和政和小印。其為內殿祕藏無疑。然觀其行  
筆蒼勁。兼籀篆之奇蹤。唐以後虞褚諸名家  
視之。遠愧真希代之寶也。何必宣和譜印傳

流有據方為左券耶。顏魯公送劉太沖敘鬱屈瑰奇於二王法外別有異趣。米元章謂如龍蛇生動見者目驚不虛也。宋四家書派皆出魯公亦只爭坐帖一種耳。未有學此敘者。豈當時不甚傳傳耶。真跡在長安趙中舍家。以余借摹遂為好事者購去。余凡一再見不復見矣。淳熙祕閣續帖亦有刻。兩牕展古畫卷軸精神相洽拈筆倣之成此十冊。孫

過庭云。偶然欲書。謂之一合。畫道亦如是耳。  
畫家以古人為師。未是了手。當以天地為  
師。海外九州。皆是粉本。余此圖。偶想及祝融  
峯下。抵輿捫葛時。便自一掃而就。余得大  
姚村圖。乃高尚書真跡。煙雲澹濤。格韻俱超。  
果非子久山樵所能夢見也。為此圖以倣之。  
夏山過雨。此圖成後。天地陡黯。雷闌雨暝。  
以盡欲飛去也。密樹含春。雨蒼山帶晚雲。

幽人住深塢。城市一溪分。此董北苑粉本。鄭  
元祐題詩也。唐子畏詩。紅樹秋山飛亂雲。  
此圖似之。然非學子畏意。欲擬李唐也。春  
水生時。舟行洞庭湖中。望長雲瀰漫。絕似遠  
山千疊。此圖可稱楚山清曉。

癸酉春月。禊臨董其昌書畫跋御筆鈐寶三。乾隆  
深心託豪素。

冊內鈐

寶墨靜寄山莊

鑒藏寶墨寶笈三編石渠寶笈所藏



高宗純皇帝御臨王羲之五帖 一冊

本幅金粟牋本。摺裝八幅。皆縱四寸七分。橫五寸六分。

御筆草書臨王羲之多日。縣戶大熱。吾唯辨辨西閭。

五帖

帖文並識  
不錄

癸酉初伏日御臨鈴寶三。乾隆宸翰得象外意。洗盡虛氛爽氣來。

冊內分鈐

寶璽讀書依竹靜雲霞思叢雲涵虛朗鑒几席有餘香

鑒藏寶璽寶笈三編石渠寶笈所藏

高宗純皇帝御筆清暉閣詩 一軸

本幅金粟箋本縱四尺八寸橫一尺六寸五分

御筆行書

廣廈軒戽暑不侵墨林義府足探尋年來畧識其中味饒有憂心鮮樂心 清暉閣癸酉長夏御題并書鈐寶三乾隆宸翰陶冶性靈德日新 鑒藏寶璽寶笈三編石渠寶笈所藏

高宗純皇帝御臨王羲之七帖 一冊

本幅金粟箋本。摺裝四幅。皆縱四寸三分。橫六寸一分。

御筆草書。臨王羲之昨見雪候知遠。荀侯知君旦反。  
朱處仁七帖。不帖文錄並識。

乾隆癸酉秋九月。御臨鈐寶二。乾隆  
鑒藏寶璽寶笈三編。石渠寶笈所藏。

高宗純皇帝御筆畫樹石 一軸

本幅紙本縱一尺九寸二分橫一尺一寸八分

御筆墨畫樹石竹篠並識

癸酉陽月駐蹕香山做柯九思筆意於來青軒鈴  
寶三乾隆宸翰幾暇臨池研露

鑒藏寶璽寶笈三編石渠寶笈所藏

高宗純皇帝御書章草無逸一冊

本幅金粟牋本摺裝八幅皆縱七寸一分橫

一尺

御筆章草無逸篇

經文並識  
不錄

予自踐阼來惟日孜孜所自勉者惟此故屢書之  
癸酉冬月御筆鈐寶四生秋庭乾隆宸翰落紙雲  
烟靜寄山莊

鑒藏寶璽寶笈三編石渠寶笈所藏

高宗純皇帝御筆初至戒臺詩 一軸

本幅宣紙本縱三尺七寸橫一尺六寸五分

御筆行書

名刹近千載渡河斯偶尋自來幽勝地早結憩遊  
心吉馬遵山棧寒禽亂柏林兩峯豁開戶一水宛  
垂襟我足憂勤畏佛無來去今便教促歸蹕餘興  
寄高岑 乾隆癸酉冬初至戒臺御題鈐寶二意  
靜妙堪會 乾隆宸翰

鑒藏寶璽寶笈三編石渠寶笈所藏



高宗純皇帝御筆墨竹一軸

本幅紙本。縱三尺一寸。橫一尺五寸。

御筆水墨畫竹並識

癸酉除夕前一日。擬東坡墨戲法於養心殿。歲暮餘暇。向沈檀火底作此幽賞。頗覺清風滿林。鈴寶四乾。隆愛竹學心虛讀書依竹靜。

臣工恭題

飄然峨眉仙。落筆千古擅樂此。歲方除尺幅。

灑

春殿露節挺虛直。風枝嫋清倩。非遊道場山。當  
是壽星院。臣汪由敦敬題鈐印二。臣由敦敬  
書。深宮夜漏清如水。寶篆香濃。滿滿紙。一  
節一葉含化機。籀龍欲向驚雷起。堂堂歲月  
來無窮。九州六合皆春風。臣裘曰修敬題鈐  
印一。臣裘曰修小除欣

幾餘逸翰寄幽獨。烟中春雨聲。一幅瀟湘淥。漫云文

湖州逼肖蘇玉局化機在筆端清風來簌簌

臣蔣溥敬題鈐印二臣蔣溥筆霑春雨綺

石含雲膩修篁帶露濃春風閒點筆應化葛

陂龍臣觀保敬題鈐印二臣保一鼓靜對

蒼龍影幾筆晴渲紫鳳巢墨戲偶傳坡老法

春風已覺拂雲梢臣王際華敬題鈐印一臣

際華幾竿臨玉局水石共參差明月忽來

影疎風欲上枝梅牕清可伴松火暖相宜想

得

濡毫處春生烟露姿臣錢維城敬題鈐印二臣城

妙香凝秀色寫竹即東坡應是觀音力飛來

自補陀臣金德瑛敬題鈐印一瑛烟葉參

差夏玉叢筠彷彿臨風妙寫雪堂清景春回

爆竹聲中臣錢汝誠敬題鈐印三臣汝誠

松盆初藝掃餘寒翰墨清妍洽古歡鳳尾數

枝天上出先春特地報平安書臣董邦達敬

題鈴印一邦達

鑒藏寶璽寶笈三編石渠寶笈所藏

高宗純皇帝御筆永安寺古井記 一冊

本幅紙本三對幅皆縱四寸三分橫三寸

御筆行書永安寺古井記

文見續編

乾隆癸酉御製并書鈐寶四中心止水靜乾隆虛

衷徵照

鑒藏寶璽寶笈三編石渠寶笈所藏

高宗純皇帝御筆賞遇樓詩一軸

本幅金粟牋本縱二尺七寸五分橫一尺八寸

御筆行書

高樓山西麓松竹頗瀟灑丹梯棲嶮岨攀躋勞毋  
乃亟來率未登目存心已在今朝到黃緣騁望神  
怡倍偶讀壁間詩忽爾隔十載可以悟駒隙亦足  
覘疎怠復不免新作自問聊自解癸酉登賞遇

樓一首御筆鈐寶二乾隆

鑒藏寶璽寶笈三編石渠寶笈所藏



高宗純皇帝御筆先春如意圖 一軸

本幅金粟牋本縱二尺一寸五分橫一尺一寸五分

御筆墨畫瓶梅百合柿子如意並書甲戌春帖子

舒疊陽交泰羣雍物喜春載咨京兆尹敬事出耕  
人瑞旭騰樓紫祥光煥勝青上林春似海作壽  
祝

慈寧

律分昨夜與今朝迎面風來果是條底識春

園絕勝處冰挑火樹湊初韶甲戌春帖子并為先  
春如意圖書之鈐寶五幾暇怡情得佳趣乾隆宸  
翰歡喜園琴書道趣生

鑒藏寶璽寶笈三編石渠寶笈所藏

高宗純皇帝御筆做趙氏合卷一卷

本幅宣紙本三幅皆縱一尺一橫一尺七寸  
八分二橫一尺二寸三分三橫二尺一寸二  
分

御筆做趙孟頫竹木管道昇竹趙雍蘭竹墨畫分題  
行書

枯槎密篠離披間以詭石參差不擬刻楮求似頗  
兼作篆行之春意昌昌有脚化工蕩蕩無私水晶

宮道人曰昔者吾亦如斯石渠寶笈藏趙孟頫管  
道昇趙雍三人合卷秀健蒼潤真一家眷屬新正  
餘暇輒做松雪此幅後將以次及之乾隆御題并  
識第一幅吐雲春霽霽寫月夜娟娟最是相宜處

一家眷屬連人日做道昇法并題第二幅不難石

白與筠青仲穆神襟未易形洽比鷗波坡渚側幽  
蘭雅合是同馨上元前夕做仲穆法并題第三幅

臣工題跋

疎枝拳石傲吳興。春氣初融古硯冰。畫意詩情兩清絕。

幾餘勝賞與時增。乾隆甲戌新正。臣蔣溥敬題鈐印。  
一臣溥。窠石潤而古。叢篁娟以秀。螺枝騰老蛟。溜雨蒼皮皺。尺幅盎

化機。春光行暢茂。悠然相賞閒。作朋擬三壽。臣汪由敦敬題鈐印。二臣敦。妙境當前現。天然契古人。枝枝含籀法。靄靄盡生春。臣金德瑛敬

題鈐印二臣瑛 虬柯盤鬱石嶙峋翠挹琅  
玕與結鄰妙處吳興應未到

豪端濡染早廻春臣王際華敬題鈐印二臣華 墨

花即元氣著紙春容盎密葉疎枝中煙雲自  
來往臣錢維城敬題鈐印一臣錢維城 頤  
覺春生翰墨池竹清松古石含滋

化工只在濡毫際舉似鷗波未得知臣錢汝誠敬題

鈐印三臣汝誠

以上第一幅

浥露青螺秀含風

綠玉齋

幾餘還體物隨處見天倪臣劉綸敬題鈐印二臣綸  
蕭森鳳尾欲盤雲勁節凌風勢不羣

天上揮毫生意足三峯縹緲帶氤氲臣彭啟豐敬題  
鈐印一敬事翠葉自披巖際烟梢欲上雲  
端天趣偶傳淇澳圖成个个琅玕臣觀保敬  
題鈐印二臣保以上第二幅蘭竹幽人態交披  
文石愛春風生腕底

天筆發真香。臣介福敬題。鈐印一介福。竹石論交。  
臭味真。同心幽谷自含春。

仙毫特與徵三益。貌古重添翰墨新。臣董邦達敬題。

鈐印一邦達。有石蒼然蘭竹為偶。是曰雙。

清亦稱三友。化機洋溢春生筆端。以娛芳晝。  
今情古歡。臣裘曰脩敬題。鈐印二。臣脩。  
以上三幅

引首



御書茗溪萃秀

卷內分鈐

寶璽靜寄山莊幾暇怡情得佳趣古香太璞朗潤乾隆宸翰

太上皇帝之寶寓意於物筆端造化落紙雲煙洗盡塵氛爽氣來心清聞妙香

五福五代堂古稀天子寶八徵耄念之寶萬有同春半榻琴書

鑒藏寶璽寶笈三編石渠寶笈所藏

高宗純皇帝御筆半天樓詩一軸

本幅宣紙本縱四尺一寸橫二尺一寸

御筆行書

肩輿徐陟衆峯巔。恰得橫樓號半天。不盡崇懷期  
太古。自然迴句會當前。松稱無改春偏態。竹不多  
情月亦娟。卉歛仙風吹萬慮。祇饒鐘韻隔雲傳。  
甲戌花朝後一日。御題鈐寶三所。寶惟賢。乾隆宸  
翰。德日新。

監金藏寶璽寶笈三編石渠寶笈所藏

高宗純皇帝御筆墨梅一軸

本幅紙本縱三尺四寸橫一尺三寸

御筆水墨梅花一株並識

甲戌仲春靜明園製鈐寶四乾隆萬有同春靜挹  
古香

鑒藏寶璽寶笈三編石渠寶笈所藏

高宗純皇帝御臨蘇軾批荅真蹟一冊

本幅金粟箋本摺裝八幅皆縱五寸四分橫七寸三分

御筆行書並識

德稱其服臣主俱榮食浮於人上下交病朕之為天下慮甚於卿之自為謀也思而後行有出無反成命不再卿無復辭所乞宜不允仍斷來章無起空論材考德聖人所以公

天下難進易退。君子所以善一身。權之以義。孰為輕重。訓兵論將。威懷戎狄。卿以是事上。豈不賢於逡巡退避也哉。所請宜不許。仍斷來章。朕褒顯耆舊。取其宿望。養育俊乂。待其成材。庶前後相繼。朝不乏人。則堂陛自隆。國有所恃。方今在廷之士。孰非華髮之良。而卿以康強之年。為遠引之計。於義未可。蓋難曲從。卿之屢請固。非矯激朕之留行。亦豈

空文內之樞機之謀外之疆場之議責既身  
任義難家詞夫飾小行競小廉務為難進易  
退此疎遠小臣之事非朕所望於卿也亟還  
厥官毋煩朕命所請宜不允 省表具之卿  
向自西樞出殿藩服頃由近輔入侍燕間昔  
有未識之思今乃日聞其語既見君子無踰  
老臣當益勵於初心尚何詞於新命所請宜  
不允仍斷來章



蘇軾批答五則真蹟極精采覺墨瀋猶滋董其昌  
目以奇崛真率良然甲戌暮春之初御臨鈐寶二  
游六藝圃乾隆宸翰

鑒藏寶璽寶笈三編石渠寶笈所藏

高宗純皇帝御筆偶成詩一軸

本幅宣紙本縱六尺五寸二分橫三尺五分

御筆行書偶成詩

前已恭載並識

偶成一首甲戌春日御筆鈐寶二乾隆

鑒藏寶璽寶笈三編石渠寶笈所藏

高宗純皇帝御臨蘭亭後序一冊

本幅金粟箋本。摺裝六幅。皆縱四寸橫五寸六分。

御筆臨蘭亭後序並識

蘭亭詩後序。古人以水喻性。有旨哉。非以其渟之則清清之則濁耶。故振轡於朝市。則充屈之心生。閒步於林野。則寥落之意興。仰瞻羲唐。邈然遠矣。近詠臺尚。顧探增懷。聊於

曖昧之中。期乎縈拂之道。暮春之始。楔於南  
澗之濱。高嶺千尋。長湖萬頃。乃藉芳草。鑑清  
流。覽卉物。觀魚鳥。具類同榮。資生成暢。於是  
和以醇醪。齊以達觀。快然兀矣。焉復覺鵬鷃  
二物哉。耀靈促轡。急景西邁。樂與時去。悲亦  
乘之。往往推移。新故相換。今日之迹。明復陳  
矣。原詩人之致。興德詠歌之有由。文多不載。  
大畧如此。諸詩亦裁而綴之。如前四言五言。

馬

興公此文足為右軍後勁懷仁集義之書董氏刻  
戲鴻堂帖中甲戌春御臨鈐寶二乾隆宸翰得象  
外意

鑒藏寶璽寶笈三編石渠寶笈所藏

高宗純皇帝御臨枯樹賦 一冊

本幅金粟箋本摺裝八幅皆縱三寸四分橫四寸四分

御筆臨褚遂良行書並識

昔之三河徙殖九畹移根開花建始之殿落  
實睢陽之園聲含嶰谷曲抱雲門將雛集鳳  
比翼巢鴛臨風亭而唳鶴對月峽而吟猿乃  
有拳曲擁腫盤坳反覆熊彪顧眄魚龍起伏

節豎山連文橫水感匠石驚視公輸眩目雕  
鐫始就剗剗仍加平鱗鏟甲落角摧牙重重  
碎錦片片真花紛披草樹散亂烟霞若夫松  
子古度平仲君遷森梢百頃槎枿千年秦則  
大夫受職漢則將軍坐焉莫不苔埋菌壓鳥  
剝蟲穿低垂於霜露撼頓於風烟東海有白  
木之廟西河有枯桑之社北陸以楊葉為關  
南陵以梅根作冶小山則叢桂留人扶風則

長松繫馬豈獨城臨細柳之上塞落桃林之

下

節臨枯樹賦甲戌春御筆鈐寶二乾隆宸翰幾暇  
臨池

鑒藏寶璽寶笈三編石渠寶笈所藏



高宗純皇帝節臨孫過庭書譜一冊

本幅金粟牋本摺裝八幅皆縱四寸四分橫

六寸八分

御筆草書臨書譜

起若思通楷則訖難以兼通者焉

並識

節臨孫過庭書譜甲戌春御筆鈐寶二乾隆

鑑藏寶璽寶笈三編石渠寶笈所藏

高宗純皇帝御筆節臨書譜 一冊

本幅金粟箋本摺裝八幅皆縱四寸九分橫

七寸四分

御筆草書臨書譜

文同並識  
前冊

節臨孫過庭書譜甲戌春御筆鈐寶三乾隆圭璋

文府

鑑藏寶璽寶笈三編石渠寶笈所藏

高宗純皇帝御筆樂善園詩 一軸

本幅宣紙本縱四尺四寸七分橫一尺七寸

御筆行書

別業臨芳岸消閒泊綠舟  
雨餘林翠重風暖鳥音  
稠齋柳珠光綴階花麝氣浮  
陳王留故蹟題壁合  
應劉 甲戌初夏游憩樂善園一律御筆鈐寶二  
所寶惟賢乾隆御筆

鑒藏寶璽寶笈三編石渠寶笈所藏

高宗純皇帝御臨蘇軾詩帖 一軸

本幅宣紙本縱六寸五分橫三寸

御筆行書並識

家雞野鷺同登俎  
春蚓秋蛇共入奩  
君家兩行十一字  
氣壓鄴侯三萬籤

蘇軾詩甲戌首夏御筆鈐寶二  
乾隆宸翰幾暇臨  
池

鑒藏寶璽寶笈三編石渠寶笈所藏

高宗純皇帝御臨宋四家帖 一冊

本幅金粟箋本。二對幅皆縱二寸六分橫二寸三分。

御筆臨宋四家書並識

謝郎春初將領大娘以下各安年下朱長官亦來泉州診候。今見服藥日覺瘦倦。至於人事都置之不復關意。眼昏不作書。然少賓客省出入。如此情。忪可知也。不具。裏送正月十

日 軾啟江上邂逅俯仰八年懷仰世契感  
悵不已辱書且審起居佳勝令弟愛子各想  
康福餘非面莫既人回忽忽不宣軾再拜知  
縣朝奉閣下 九陌黃塵烏帽底五湖春水  
白鷗前扁舟不為鱸魚去收取聲名四十年  
甓社湖中有明月淮南草木借光輝故應剖  
蚌登王室不若行沙弄夕霏右奉呈外舅孫  
莘老 芾非才當劇咫尺音敬缺然比想慶

侍為道增勝小詩因以奉寄希聲吾英友  
上竹前槐後午陰繁壺領華胥屢往還雅興  
欲為十客具人和端使一身閒

甲戌夏日御臨鈐寶二比德朗潤

鑒藏寶璽寶笈三編石渠寶笈所藏

高宗純皇帝御臨黃庭堅書一冊

本幅宣紙本。摺裝三對幅。皆縱五寸。橫三寸

二分

御筆行書並識

當陽張中叔去年臘月寄山預來留荆南久之四月余乃到沙頭取視之。萌芽森然有盈尺者。意皆可棄。小兒輩請試煮食之。乃大好。蓋與發牙小豆同。灤物理不可盡如此。今之



論人材者用其所知而輕素人可勝歎哉

山谷書山預帖真蹟藏石渠寶笈已摹入三希堂  
法帖尤愛其見地高而用意厚即小喻大足為觀  
物窮理之助所取又有在豪楮外者非徒賞其墨  
妙通神已也甲戌夏御臨并識鈐寶三乾隆幾暇  
臨池

冊內分鈐

寶璽

古希天子重壽重八徵耄念之寶重

五福五代堂古稀天子寶

太上皇帝之寶圓明園

鑒藏寶璽寶笈三編石渠寶笈所藏

高宗純皇帝御筆節臨聖教序 一冊

本幅金粟牋本摺裝八幅皆縱四寸九分橫  
七寸五分

御筆行書臨聖教序

起幼懷貞敏訖同臻彼岸

並識

甲戌初秋背臨聖教序御筆鈐寶四  
乾隆忘機心  
字曠含和

鑒藏寶璽寶笈三編石渠寶笈所藏

高宗純皇帝御筆夷齊廟四景詩并圖

一卷

本幅宣紙本縱九寸六分橫三尺五寸六分  
御筆墨畫夷齊廟四景圖分題行書

令支讓國先延陵孤竹誰知中子名太白一篇真  
卓識淮南尺布獨何情右孤竹城堂名揖遜是  
誰題回跖評量語不稽遷也亦知天道否千秋尸  
祝屬夷齊右揖遜堂清風臺畔屈蟠松偃折盤  
盤翠越濃高詠西山采薇句果然無礙後凋逢右

屈蟠松 灤水迴環曲抱洲崇臺百尺枕清流喬  
松古籟拂衣落快與前賢共唱酬右清風臺乾隆  
甲戌東巡迴蹕道經古孤竹城謁夷齊廟周覽遺  
蹟得景凡四各題一絕并為之圖以存其實宇內  
首陽見地誌者不一癸亥賦詩時已略為考證茲  
身履其勝記此以抒仰止云爾御筆 大節千秋  
孰敢陵直言扣馬豈沽名廉翻改葬雖隣妄善善  
由來萬古情右孤竹城 斯堂經不可無題揖遜

清風道足稽冀北河東漫徵地首陽高致有誰齊  
右揖遜堂詩以詠松圖寫松今來仍看翠雲濃  
斯人斯地自萬古奚歎神農時未逢右屈蟠松  
北枕灤江臺據洲秋過潦盡束中流祇宜喚得富  
春叟來此忘年作倡酬右清風臺癸卯冬初盛京  
旋蹕經此再疊舊韻題四景仍書卷中御筆 秋  
蹕恭因謁

祖陵途經孤竹舊聞名夢傳太守雖鄰妄祠奉邦人

實近情。右孤竹城。堂額依然揖遜題。伐商叩馬  
事堪稽。殷周往蹟胥歸。伯叔令名孰與齊。右揖  
遜堂。諫武其人性本松。故應千載蓋陰濃。言之  
不足圖形去。幸復今朝覲面逢。右屈蟠松。高臺  
瞰遠據中洲。灤水溶溶臺下流。此地已欣清可了。  
松風更與唱而酬。右清風臺。戊戌詣盛京。由山海  
關而行。先經孤竹城。因疊甲戌舊題四景詩韻書  
卷閒御筆。二老聖之清者處。為圖題句置齋中。

重來撫卷心難忍。便以拈毫意有融。促就八义原  
則慣閒尋四景。本相同。蠅頭作不資。眼鏡似勝據。  
鞍矍鑠翁題句後。自喜目力如昔。復成一什。並書  
於此。

前隔水

御題行書

廿餘年復翠華臨。往事依然一摘吟。祇愜西文養  
老志。未俞周武弔民心。水如孫楚肱曲枕。石耐米



顛磬折尋叩不足當當下拜清風千載故應欽

戊戌秋七月下澣經此即事一律即事甲戌留奔

卷中御筆

後隔水

御製癸亥夷齊廟詩并序

盧龍孤竹城夷齊廟在焉史稱夷齊恥食周粟餓死首陽詩云采苓采苓首陽之巔疏謂在河南蒲坂而莊子則曰首陽山在岐山西北曹大家云在

隴西元和郡國志謂首陽山在河南偃師說文乃  
謂在遼西則是首陽凡五各有証據而其為夷齊  
餓死之處則一也將孰之從惟遼史所載營州隣  
海軍下刺史本商孤竹國今之盧龍即遼營州地  
也爾雅所舉孤竹北戶注謂孤竹在北周時幅員  
不廣其以此處為極北固宜然則說文所謂首陽  
山在遼西者此為近之殆以詩在唐風而叩馬而  
諫當武王伐紂之時由是岐隴蒲偃皆附會其說

耳夫夷齊清風在天下何處非首陽豈爭疆域乎  
冕旒而墨胎以祀者尤非其志因係以詩而考其  
說如此 軒冕泥塗是本腸肯容儒雅污冠裳薇  
苓依舊西山岫頑懦羞登夫子堂只為心慙踪異  
武敢將口實罪歸湯豈爭隴右還蒲左天下清風  
盡首陽 款 臣錢汝誠奉

勅敬書鈐印二臣誠敬書

引首

御書山高水長

御題卷端

墨胎或謂夷齊姓劬謂夷之君姓然千古氏誰能  
辨實二人行果足稱賢頑夫廉以懦夫立公信原  
兼公達傳古廟辨香仍下拜清風颯颯起遙天癸  
卯小春過北題卷端御筆

皇上潛邸恭和

本幅

叩馬登山往蹟陵巖城猶著二難名千秋清節

傳青簡終古依依兄弟情

孤竹城

永懷勝蹟孰

留題聖許求仁語可稽揖遜標名名實副居人

世代仰夷齊

揖遜堂

本性堅於萬古松貞姿不

謝綠常濃停

鑒靜對虬螭幹二老應欣

聖世逢

松屈端

百尺崇臺俯綠洲長河幾曲遠欄流

圖成四景重

摘藻天籟泠然空外酬

清風臺

子臣

恭和鈴寶

二子臣敬書

臣工恭和並敬題

他人賢者擬邱陵  
簞豆難容假好名  
何似夷

齊仁不怨首陽高  
並弟兄情

孤竹城

宣尼論

語定評題孟氏篇  
中亦足稽叩馬問  
誰扶義

如此時尚父未封  
齊

揖遜堂

屈蟠可愛古時

松越歷年深色越  
濃試比青青澗底  
蒼

詩題畫寫獨遭逢

屈蟠松

平臺俯瞰碧沙洲  
目送長

河滾滾流高節清風自千古

知音千古上難酬

清風臺

子臣永理恭緝鈴印二子

臣永理敬書

本幅以下俱後幅

孤竹兩逸民落落

標芳踪孝弟炳今古大義開愚蒙維歲紀協  
洽

車駕還自東歸然見祠宇爰

命駐六龍登堂仰廟貌冠佩何雍容  
辨香達肝鬢和氣生凜冬  
延眺故城址摩挲階下松清飈謖

謾至蚪枝垂宛虹屈曲如磬折儼與揖遜同  
采薇歌已邈勝蹟餘荒叢懷賢再三歎穆然  
感

清衷揮毫展素幅一一摹高風周情與孔思復托篇  
翰中

鴻筆扛萬象

妙墨儼化工日月並光耀黛色含諸峯即於圖畫裏  
千載游黃農頓使聖者清生面如再逢何有



兩侯爵陋彼宋室封臣蔣溥敬題鈴印二臣  
蔣溥朝朝染翰清蹕關山列嶂重偏從讓  
國溯遺封依稀雉堞傳孤竹鬱屈虬枝認古  
松堂敞霜寒風肅肅臺臨壁峭水溶溶低徊  
勝蹟留

天藻史筆龍門句裏逢臣汪由敦敬題鈴印二臣由  
敦敬書景行芳躅世所同首陽名山紛域  
中疑耶信耶不足辨揔教天下傳清風夙誦

宸章闡斯義重瞻

寶繪圖其事分題雅詠發幽光參差樹石含生意山  
城古廟臨高臺一掬寒泉祀墨胎薇歌杳杳  
逸調遠松濤謖謖清音來遼西山水多奇特  
獨寄真賞標遺蹟

聖人制作不偶然要使頑廉而懦立蒼茫遠色自高  
深縑素雲烟照古今妙將董巨荆關法傳出  
黃農虞夏心臣嵇璜敬題鈐印二臣璜敬書

鸞旗成小駐。十二列龍賓。即境徵幽賞。竒  
懷見昔人。黃虞歌既邈。圖繪景重新。臺作寒  
秋色。松呈太古身。虛堂傳揖讓。孤堞俯嶙峋。  
浩淼灤河水。蒼茫瀚海塵。墨胎存伯叔。姬室  
各君臣。薇蕨情何極。墳荒意並真。遺風猶起  
懦。本志在求仁。前度

留題舊茲來。點筆頻聖人。師百世

宸翰挽千鈞。俎豆從今盛。遐哉兩逸民。臣表曰修敬

題鈴印二臣表曰修敬書

首陽何高高直

上峯嶺岼。緬維古賢踪。避世茲盤桓。揖讓有  
餘慕。黃農動長歎。采采西山薇。聊以當朝餐。  
求仁而得仁。令名垂不刊。至今墨胎墟。遺蹟  
供覽觀。古堞誌封邑。繚曲如彈丸。堂前草芊  
緜。臺下松屈蟠。惟此一畝宮。環堵蕭然安。

時巡偶駐蹕。憑眺宇宙寬。撫勝列四景。論古表二難。  
元氣符化工。一一歸毫端。卷舒太虛雲。浩瀚灤水瀾。

清風拂天表萬象凌高寒。臣于敏中敬題。鈐  
印。二臣敏中敬書。

天藻繪出萬古清高風。想見孤竹城。墨胎二子盡生  
色。老松瘦石俱崢嶸。龍門列傳首敘述。證以  
逸詩事。始明我。

皇點筆窮神妙得。

聖益彰真殊榮。西山北海抱苦節。伯璫叔麓遞和鳴。  
祠廟猶餘廉立意。邱壑益深仁智情。逸民賢。

人昔評論

揮灑更與流芳名。首陽幸有此奇遇。煙霞頓覺開元精。

眺吟撫景發潛德。與圖照耀垂昇平。臣董邦達敬題。  
鈴印二。臣邦達印。染翰。子姬戰爭日。高尚  
有逸氓。至今層臺上。落落松風橫。文王與泰  
伯。至德符休稱。惜哉孟津會。左右乃欲兵。豐  
水豈不仕。孤竹亦有城。大節炳天壤。何必逃。

其名

東巡過祠廟鑒此黃農情

鴻筆標四景辭繪誠雙清崇山既增色灤水如聞聲  
青雲亮再附千古懷景行臣錢維城敬題鈴  
印二臣錢維城筆沾春雨灤水遶層岡古  
蹟傳孤竹清為百世師停

蹕尋遺蹟景物紀

篇章雲烟圖尺幅  
蓊鬱堂臺間松竹  
響猶謖聞風尚

欲興仰止因觸目乃知

造化機即事妙化俗古人如有心黃虞今已復臣金  
德瑛敬題鈴印二臣金德瑛葵心向日采  
薇百世仰清風孤竹猶看廟貌隆

驚輅重經餘慨慕盡收芳躅入毫中 曾煥

宸章証首陽更搜遺蹟盡傳揚不教腐史窺天道隆  
遇千秋有

聖王 依約崇臺風景清  
蚪松蟠鬱翠長榮



天工點染真高絕寫出西山萬古情臣王際華敬題  
鈐印二臣際華 盧龍塞北海隅雲回星罕  
晞朝鳥言尋墨胎蹟未蕪清風一逕孤竹趨  
臺高堂古松盤扶

帝嘉遐尚周覽紆各識以句會以圖  
仙毫逸行兩絕殊史筆遠邁龍門鋪

聖作物覩茲信乎千載而下遭黃虞西山薇蕨應知  
無臣錢汝誠敬題鈐印二臣汝誠 萬古高

風說子陵何如孤竹此傳名一篇三致龍門

意驥尾青雲無限情

孤竹城

列傳分明首品

題由光高義渺難稽登斯堂也論儔侶三讓

風聞伯仲齊

揖遜堂

愛人因以及其松清影

高蟠寫蔭濃應是

天題留有待等閒章畢那能逢

屈蟠松

臺迴遙臨北

海洲登山遺韻想風流

宣尼論定曾三復更有賡吟

後聖酬

清風臣臺

梁國治恭和鈴印二臣國治

墨胎

遺蹟足憑陵為附青雲始得名漫向圖經訂  
疑信

天章善善寄遐情

孤竹城

史筆龍門重品題孤標高

隱跡堪稽首陽仰止斯人在比似荆蠻道或

齊

揖遜堂

得地青青偃蓋松

仙毫圖寫墨花濃試從岱頂蒼官問勁節如茲可得

逢

屈蟠松

層臺鬱起峙沙洲清景高寒瞰碧

流仰見

振衣懷古處天風颯颯

睿恩酬

清風臣

董誥恭和鈐印二臣誥

卷內分鈐

寶璽得佳趣幾暇怡情

古稀天子比德重

朗潤古香太璞

乾隆乾隆宸翰

古稀天子之寶猶日孜孜天地為師見天心煙雲舒

卷寓意于物朝日輝幾暇臨池几席有餘香秀色

入窗虛

古希天子研露用筆在心筆端造化水月兩澈明中  
和叢雲

鑒藏寶璽寶笈三編石渠寶笈所藏

高宗純皇帝御仿董臨爭坐位帖 一冊

本幅金粟箋本摺裝八幅皆縱五寸橫七寸

四分

御筆行書並識

蓋太上有立德其次有立功是之謂不朽抑  
又聞之端揆者百寮之師長諸侯王者人臣  
之極地今僕射挺不朽之功業當人臣之極  
地豈不以才為世出功冠一時挫思明跋扈

之師抗迴紇無厭之請故得身畫凌烟之閣  
名藏太室之廷吁足畏也然美則美矣而終  
之始難故曰滿而不溢所以長守富也高而  
不危所以長守貴也可不做懼乎書曰爾唯  
弗矜天下莫與汝爭功爾唯不伐天下莫與  
汝爭能以齊桓公之盛業片言勤王則九合  
諸侯一匡天下葵丘之會微有振矜而叛者  
九國故曰行百里者半九十言晚節末路

之難也。從古至今。衆我高祖太宗已來。未有  
行此而不理。廢此而不亂者也。前者菩提寺  
行香。僕射指麾宰相。與兩省臺省已下常參  
官並為一行坐。魚開府及僕射率諸軍將為  
一行坐。若一時從權。猶未可。何況積習更行  
之乎。甚非謂也。君人愛人以禮。不聞姑息。僕  
射得不深念之乎。

董香光節臨顏真卿爭坐位帖。甲戌新秋。幾暇偶



倣其意御筆鈐寶四乾隆化工四氣為全施茹古  
含今

鑒藏寶璽寶笈三編石渠寶笈所藏

高宗純皇帝御書蔡襄荔支譜 一冊

本幅金粟箋本摺裝十幅皆縱五寸五分橫  
七寸

御筆行書並識

興化軍風俗園池勝處惟種荔支當其孰時  
雖有他果不復見者尤重陳紫富室大家歲  
或不嘗雖別品千計不為滿意陳氏欲採摘  
必先閉戶鬲牆入錢度錢與之得者自以為

幸不敢較其直之多少也。今列陳紫之所長。以例衆品。其樹晚熟。其實廣上而圓下。大可徑寸有五分。香氣清遠。色澤鮮紫。殼薄而平。瓤厚而瑩。膜如桃花。紅核如丁香。母剥之凝如水晶。食之消如絳雪。其味之至。不可得而狀也。荔支以甘為味。雖百千樹。莫有同者。過甘與淡。失味之中。維陳紫之於色香味。自狀其類。此所以為天下第一也。凡荔支皮膜形

色一有類陳紫則已為中品若夫厚皮尖刺  
肌理黃色附核而赤食之有查食已而澀雖  
無酢味自亦下等矣福州種植最多延貽原  
野洪塘水西尤其勝處一家之有至於萬株  
城中越山當州署之北鬱為林麓暑雨初霽  
晚日照曜絳囊翠葉鮮明蔽映數里之間焜  
如星火非名畫之可得而精思之可述觀攬  
之勝無與為比荔支食之有益於人列仙

傳稱有食其花實為荔支仙人。本草亦列其功。葛洪云蠲渴補髓。所以唐羌疏曰未必延年益壽。蓋云雖有其傳。豈果能哉。亦諫止之詞也。或以其性熱。人有日噉千顆。未嘗為疾。即少覺熱。以蜜漿解之。其木堅理難老。今有三百歲者。枝葉繁茂。生結不息。此亦其驗也。

節錄蔡襄荔支譜。甲戌仲冬月御筆鈐寶。三。乾隆宸翰得象外意。筆華春雨。

冊內分鈐

寶璽

五福五代堂古稀天子寶。八徵耄念之寶。  
太上皇帝之寶。

鑒藏寶璽寶笈三編石渠寶笈所藏。

高宗純皇帝御臨董其昌書唐詩 一冊

本幅金粟箋本。摺裝八幅。皆縱四寸。橫六寸。

御筆行書並識

五松山送殷淑。秀色發江左。風流奈若何。仲  
文了不還。獨立揚清波。載酒五松山。頽然白  
雲歌。中天度落月。萬里遙相過。撫酒惜此月。  
流光畏蹉跎。明日別離去。連峯鬱嵯峨。送  
崔氏昆季之金陵。放歌倚東樓。行子期曉發。

秋風渡江來。吹落江上月。主人出美酒。滅燭  
延清光。二崔向金陵。安得不盡觴。水客弄歸  
棹。雲帆卷輕霜。扁舟敬亭下。五兩先飄揚。峽  
石入水花。碧流日更長。思君無歲月。西笑阻  
河梁。游太山。清曉騎白鹿。直上天門山。山  
際逢羽人。方瞳好容顏。捫蘿欲就語。却掩青  
雲關。遺我鳥跡書。飄然落巖閒。其字乃上古。  
讀之了不閒。感此三歎息。從師方未還。

右李太白



睡起宴坐。後亭晝眠足。起坐春景暮。新覺  
眼猶昏。無思心正住。淡寂歸一性。虛閑遺萬  
慮。了然此時心。無物可譬喻。本是無有鄉。亦  
名不住處。行禪與坐忘。同歸無異路。右白香山  
青蓮香山兩家詩。皆不作人間煙火氣。香光書亦  
飄飄有凌雲意。甲戌仲冬偶做於三希堂。御筆鈐  
寶四乾隆。得象外意。道寧齋。

鑒藏寶璽寶笈三編石渠寶笈所藏

高宗純皇帝御臨蘇軾集歸去來辭詩帖 一冊

本幅金粟箋本摺裝八幅皆縱六寸橫九寸

御筆行書並識

命駕欲何向欣欣春木榮  
世人無往復鄉老  
有將迎雲內流泉遠  
風前飛鳥輕相攜就衡  
宇酌酒話交情  
涉世恨形役告休成老夫  
良欣就歸路不復向迷途  
去去徑猶菊行行  
田欲蕪情親有還往  
清酒引樽壺與世不

相入膝琴聊盡歡。風光歸笑傲雲物寄游觀。  
言語審無倦。心懷良獨安。東皋清有趣。植杖  
日盤桓。雲岫不知遠。巾車復行前。僕夫尋  
老木。童子引清泉。矯首獨傲世。委心懷樂天。  
農夫告春事。扶老向良田。世事非吾事。駕  
言鄉路尋。向時迷有命。今日悟無心。亭內菊  
歸酒。窗前風入琴。寓形知己老。猶未倦登臨。  
富貴良非願。鄉關歸去休。攜琴已尋壑。載

酒復經邱壑。翳翳景將入。涓涓泉欲流。老農人不樂。我獨與之游。觴酒命童僕。言歸無復留。輕車尋絕壑。孤棹入清流。乘化亦安命。息交還絕游。琴書樂三徑。老矣亦何求。歸去復歸去。帝鄉安可期。烏還知已倦。雲去欲何之。入室常攜幼。臨流亦賦詩。春風吹獨立。不是傲親知。役役倦人事。來歸車載奔。征夫問前路。稚子候衡門。入室亦詩策。出游常酒。

樽交親書已絕。雲壑自相存。寄傲知今是。  
求勞定昨非。聊欣樽有酒。不恨室無衣。邱壑  
世情遠。田園生事微。庭柯還獨暝。時有鳥歸  
飛。

東坡居士喜淵明歸去來辭。因集字為十詩。傳刻  
晚香堂帖中。甲戌冬至後五日。避暑山莊幾暇。偶  
臨御筆鈐寶二。乾隆宸翰。得象外意。  
鑒藏寶璽寶笈三編。石渠寶笈所藏。